

مجله ادب و فن

هر شهر عربی ابتدا سیله اون بشنده نشر اولنور (۵۲)

جلد ۵ - جزو ۵۲ [فی ۱۵ محرم سنه ۱۳۰۴] نهمین ۳ غروش

نیویورق عالمی

نیویورق اہالیسنک کافہ صنوفی سائر شہرلر خلقندن تقریق ایدن حالانک باشلیجہسی اکثریت اہالینک مالک اولدقلری سامان فوق العادہ و آئی ابراز ایچون گوستر دکاری طنطنہ سفیانہ در . محافل کبرادہ حائر اہمیت اولاق دگل، محضا او محافلک عادات و مراسمنہ رعایت ایتک ایستین برعائلہ برقاج میلیون دولار صاحبی اولمی در .

ہرشیئہ مقتدر اولان [دولار] بورادہ کمال استقلال اوزرہ اجرای حکومت ایدہرک، حتی مقدما بر برینہ ضد ایکی صنفدن عبارت اولان نیویورق کبراسنی بیلہ تأثیر تفوذیلہ یکدیگرینہ تقریب و مزج ایشدر . رجوق سنہلردن بری نیویورق کبراسی ایکی صنفہ منقسم بولیوردی . بو صنفلردن برنجیسی اوروپالیاردن آمریقاییہ ایلک اول ہجرت ایدنلرک سالہسنہ ادعای نسبت ایدن طاقدرکہ [old set] یعنی اسکی عائللہر نامیلہ متعارفدرلر .

ایکنجیسی ایسہ ٹرولری محضا پدر و یا جدلرینک مساعی و اجتہادیلہ حصولہ کلمش اولان . یعنی اسکی برعائلہ منسوب بولنمیان فرقہدرکہ بولارہدہ [nev set] یعنی یگی عائللہر نامی و یریلیر .

برنجی صنفہ اکثریت اوزرہ اراضیء جسیمہ و املاک اصحابی و ایکنجی صنفہ دخی ارباب تجارت و ہر نوع معاملہ جیلر داخلدر .

old set صنفہ، یعنی قدما یہ منسوب اولانلر کندیلرینی ارباب اصالتدن عدایدہرک دیگر صنفایلہ اختلاط خصوصندہ استکبار ایدرلر ایدی . بو حال یقین زمانہ قدر دوام ایتش ایکن برقاج سنہدن بری طرفین بینندہ کی منافرت بر درجہ یہ قدر کسب انوس ایتمگلہ قدما صنفنک دعوتنامہ لرندہ اکثریا متأخرینہ منسوب برطاقم اسملر دخی گورولمگہ باشلامشدر .

مع مافیه برنجی صنف ینه ایکنجی به قارشی تمامیله بر خالصت قلب
و بر حسن استقبال ابراز ایدمه مامکده و ایکنجی صنفه داخل اولان
نوظهوران اغنایه ابواب الفتی عادتاً مع الکراهه کشاد ایتمکده درلر .

قدمادن اولان ذواتک متأخرین صنفنه منسوب اولانلری خانه لرنده
صورت استقبال و قبوللری اوروپانک بعض متکبر زادگاننه مخصوص اولان
اطوار باردهیه ممائدرکه بو طورلرینه قارشی اجرای انتقام قابل اولمدینی
جهتله تربیه لی بر آدمه قارشی اجرا ایدیلان تحقیر علنی قدر تاثیر ایدر .

بو طورلره دوچار اولان صنف ایسه معاملاتده اکتساب ایلدیگی
یسار فوق العادهیه استناد ایدر که الدن گلدیگی مرتبه لرده اظهار طنطنه
و حشمتله برنجی صنفک کسر شان و شرفه غیرت ایتمکده درکه بوجدهال
مصرفانده ایکی طرف دخی برکون بیجاال قالوبده ساحلرینی ترک ایدنجیه
قدر دوام ایدمه جکدر .

عجبا بورقاب مجنونانه نه مرتبهیه واصل و نه قدر مدت بر دوام
اوله جقدر؟ کچن سنه وفات ایدن (وان در بیات) که اوغلی ایکی یوز بیات
مارق یعنی اون بیات انگلیز لیراسی مصرفله بر بالو و برمشدر . برسنه اول
پدری طرفندن و بریلان بالونک مصرفی ایسه یگریمی بش بیات انگلیز
لیراسنه بالغ اولمش ایدی .

کچن کانون ثانی گونلرندن برنده (آستور) فامیلیاسی جدلرینک
آمریقا طوپراغنه وضع قدم ایتدیگنک مأنه کامله سی شرفه و یردیگی بالویه
بیات کشی دعوت ایلش ایدی . (قوتیللون) ذیلان او یونک ختامنده
کاغددن معمول بر طاق زینتی نشانلر توزیعی هر یرده عادت حکمنده ایکن
بو بالوده مدعوینسدن ذکور و انانه کاغد یرینه آلتوندن معمول یوزوک بویون
باغی ایکنه سی، بیله زک و بوقیلدن شیلر توزیع ایدلمش و بالونک مصارفی
محیر عقول بر رادهیه واصل اولمشدر .

آمریقایلرک اسرافنه حد و نهایت یوقدر . مثلاً :

چکن موسم صیفده نیویورق جوارنده ترتیب ایدیلاں برشکار قوشاق
طعامنده بولندیریلان گومش اوانی طونیلاته ایله وزن ایدیله بیلور و تزیینات
ایچون موضوع اولان چیچکلرک مصرفی بیگلرجه دولاره بالغ ایدی .
کیمک پارهسی زیاده ایسه نیویورق جمعیت کبراسنک حکمداری اودر .
بو حال میلیونره مالک برعائله ، دهها ساده و موافق عقل و حکمت عادانه تبعیته
قرار ویرنجیه قدر دوام ایده جکدر .

نیویورق جمعیت کبراسنک نظر دفته آله حق برحالیده تمیز فوق العاده یه
اولان میل واهماکی در . مثلاً اون اونش میلیون دولاردن عبارت برثروت
صاحبی بیله بوقیلدن بولسان جمعیتلرده اهمیتدن ساقط اوله رق ، هرکس
بررتبیه ، برعنوانه مالک اولمق آرزوسنده بولندیغندن رتب عسکر یه دن
کچلمز برحاله گلمشدر . مسلك سیاسی عنوانلریسنک اوقدر اعتباری یوقدر
بلکه سیاسی عنوانلر بتون بتون اعتباردن ساقطدر .

نیویورق محافل کبراسنده انسانی حائر اعتبار و امتیاز ایدن برکیفیت ده
اوروپالی برزادکان عائله سندن نشأت ایتش بولمقددر .

بویله برعائله یه منسوبیتله مقنن اولانلر هر یرده مظهر اعتبار اولمقددر .
بو حالدن ایسه بریوک مسخره لاق حصوله کلمکده درکه اوده اداره سی جمهوریت
اولان برعائله تحری اصل ونسل ایله مشغول برطاقم (شارلاتان) حریفارک
قلم اوطله لری آچهرق پاره قزاقمه لریدر . بوقلله مشلا موسیو اسحات ، موسیو
ویلیامس ، ویا موسیو بروون و یاخود موسیو جیمس مراجعتله کندیلرینک
عن اصل قدیم برعائله نجیبیه منسوب اولدقلرینی اثبات ایتدکن صگره عالمه
قارشی اعلان افخار ایچون ادعای نسبت ایتدکلری عائله نك (شمارینی)
مشعر برآرمه اتخاذ و بوآرمه یی عربله رینه ، مندیلا رینه و سائر اشیایه نقش
ایتدبرمکده درلر .

[نیویورق سون] نامنده کی غزته کچنلرده بر بازار انسخه سنده بو حاله دائر
یازدینی بر مقاله ده شویله سویلیور ایدی :

« اصل ونسل تحریری خصوصندہ خلقندہ کوریلان میل و اسماء و بوبابده بعض کیمسہل طرفندن اتخاذ ایدیلان دسایس بادی نظرده حکمسنز کچی کورینور ایسده بوحاللرک حقیقتنه وافق اولان برکیمسہنی خندہ استہزایہ دعوت ایتیمی ضروری در .

« بکنارده نیویورقده برچوق آمریقایی قامیایالرک اصل ونسللرینی مبین برکتاب نشر اولمشدرکہ بوکتابده اکثر عائلهلرک عن اصل حکمداران سلاله لرندن نشأت ایتدکلری اثبات اولمشدر ! طوغریسی یا، بوحال براز دها رواج پیدا ایدرسه یک آز زمان صگره مملکتزده قرال زاده لرذن پرنسسلرذن حکمیہ جک . فی الحقیقه (قبائل عربده اولدینی کچی) نجیب برعائله نک صلبندن کلش بولنق حسی کنجلمزده افعال عالیہ ، وفضائل برکریده یولنده مدار تشویق اوله جق اولسه حقیقت بین اولان ذواتک عمومی بوجزوی تفاخره بلکه نظر اغراض ایله باقا بیسلورلر ایدی . لیکن ایش بویله دگل تمامیلہ عکسنده در . بوگونکی گونده نیویورقک Jeunesse doré دنیلان کبرایہ منسوب کنجلمری جرات منہتکانه و اخلاق ذمیمه ایله تمیز ایتمشدر . برهفته یکمیزکہ بوناردن بری ویا برقچی طرفندن قوانین موضوعه و آداب عمومیه قارشى بعض وقوعات صادر اولسون . حسن معامله و معاشرت ناموسکارانه نیی تأسیس ایچون برقانون وجود بولنجیه قدر اصل ونسل تحریراتندن صرف نظر ایتلی در »

نیویورق کبراسنک باشلیجه مشغولینی اوروپا زادگاننک عاداتنه تقلید اولدیفندن ، خانهلرنده اونیفورمہلی خدمتکارلر بولنق ، آثار عتیقه جمعنه هوس ایتک ، موسم شتاده ماسکہلی بالور و یرمک و بوبالورہ اوروپانک قرون وسطی کبراسنه مخصوص زی عجیب ایله کیتک ، موسم صیفده ایسه انگلیز عاداتنه تقلیداً تیلدی اولری اجرا ایتک کچی برطاق مسخره جه حاللردن عبارتدر . اصل ونسانی ممکن اولدینی قدر دها زیاده اسکیلندیرمک هوسی ، خصوصیلہ یکی انگتره قطعہسندہ یکی برصنعتک ظہورینه سبب اولمشدر .

بوصنعت ایسه گویا ازمنه قدیمه دن منتقل اولدیغنه لسان حالی دلالت ایتک
اوزره قوردمش آغا جاردن کلیتی ماضیله سفره لر، صندلی و قنایه و سدر
کبی شیر اعمالیدر. بواسیانک طرز و رسملری طبیعی بوندن یوزالی، ایکی یوز
سنه اول یائش اولدیغنه دلالت ایدمک صورته در. ایشته صکرده دن باره
قزانش برطام توریدیلر حقیقته جدلری دکل بابالری بیله تعینده عاجز
ایکن محضاً جدلرینک ایکی یوزسنه اول اوروبادن هجرت ایتمش اولدقلری
افهام ایچون خانه لرده هیچ اولمازسه بویولده اشیا ایله تفریش اولمش براوطه
بولندیرمقده درلر.

آمریقا نسوانی دخی اوروپالی زادگان ایله عقد ازدواج مراقبده
اولوب برپارهمز قالمش بعض اوروپا بارون و قونتلی اعاده ثروت و اقبال ایچون
بونی برغیت سیلرک آمریقایی نسوان ایله کثرت اوزره ازدواج ایتکده درلر.
فی الحقیقه بعض تحف و قهرله دخی اکسک دگلدر؛ مثلاً نیو یورقه وصولی
برقاج آی اولدینی حلاله قارت ویزیتلری اوزرنده بارونلق و یاقونلق علامتی
اولان برتاج بولندیرن و بعض وسائط ایله صالونله دخوله موفق اولان بعض
اوروپالی (جنتم) لر زنکین برآمریقایی قادین ایله مناسبت پیدا ایدمک
براز صکره عقد ازدواجه موفق اولدینی حلاله مؤخرأ بارون و یاقونت ظن
اولان ذلک یا ایتالیایی بر (لاترناجی) و یا فرانسز بر (مودا) تریسی
و یا خود آلمانیالی برتاجر یازیجیسی اولدیغنک میدان چیمسی نادر دگلدر.

آمریقا زنکینلرینک برعلامت فارقه سی دخی درجه افراطده اولان
سفاهت لریدرکه بودرجه ده سفاهت اوروپالیلرده نادرأ گوریلور. جمعیت کبرایه
منسوب اولانلر ایچون راحت و حضور متصور دگلدر. بو گروه افرادی
کیسه کوندزیمک بر، دانس ایدر و موسیقه دیگلر. مثال اوله رق بویله
برکبارک یا لکز برگونلک پروغرامنی گوزدن سچیرم : [ساعت برده اوکله
طعامی سی .. اوتلنده . ساعت اوچده بارنوم « سیرقنه » عزیمت . ساعت
آلیده بارگیر اکسپوزیسیونه . ساعت سکرده موسیقه آقادمیسنه مادموازل

باقی دیکلمک اینچون . ساعت طقوزده بیوک اوپرایه . ساعت اون برده
مشهور دلمونیقونک اوتلنده کیجه طعامی وینه او اوتلده حاضر بولغق [
ایشته بوحال هرکون دوام ایدر . یالکیز پروغرامده بعض تعدیلات کوریلور .
موسم صیفده دخی حال بومر کرده در . فقط اوزمان قادینلر آره
صره بارگیرله گزمگه چیقارلر . اما بوگزمه لری اوروپا قادینلرینک تنزهارلر .
ینه مشابه اولیوب بارگیرله خندقلری ، چتاری آتلایه رق چتافنجه سینه بارگیر
قوشدیرلر . وجودلری اوروپا قادینلرینک وجودینه نسبتاً دها نازک ایکن
صورت معیشتلری قوت ولطافتلرینی ممکن مرتبه دها چاق محواید جک
برصورتده بولنیور . آمریقالیلردن بریسی بوبابده دیورکه : « ایکی اوج سینه
اول مملکتدن مفارقت ایتم و شمدی نیورقه عودت ومواصلت ایلدم . ایکی
اوج سینه اول لطافتلرینه حیران اولدیغ قادینلری شمدی همان یوزلری
بوزلمش ، یورغونلقدن گوزلرینک فری قاقچش برحاله گوردیم . برشکوفه نازه
حالنده براقدیغ کنج قزلری شمدی صولمش و یوزلرینک رنگ طراوتی غائب اولمش
بولدم . کیسی پک چاق وجوددن دوشیور . کیسی دخی برعکس لزومندن
زیاده سمیرلیه رک لطافتسز برحاله کلیر . مطلقا بونلرک وجه معیشتلرنده
غیر طبیعی برشی واردرکه بویله آزر زمان ظرفده صولوب بوزیلورلر . »

کوپک اتی

آسیا ، آفریقا و آمریقا قلمعه لرنده ممکن بولسان برچوق اقوام و با
خصوص زنجیرلر کوپک اتنی لحوم سائره به ترجیح واکل ایدرلر . آنلرک
اک بیوک ضیافتلرنده بولندیریلان کباب کوپک اتسنددر . لحم کابی تناوله
خرص واشتا قناده جزیره سی وحشیلرنده و قامچا دلیرده و بحر محیط کیر
جزایری اهالیسندده دخی گورولمشدر .